

БӨЛІМ: МҰҚАҒАЛИ МАҚАТАЕВ / ӨЛЕҢДЕР

## Алтын адам

ЖАРИЯЛАНДЫ  
22.01.2023ТІРЕК СӨЗДЕР  
Мұқағали МақатаевСІЛТЕМЕ  
<https://bilimger.kz/129549/>

## АЛТЫН АДАМ

Алтын адам,  
Алтын адам...  
Адам жоқ!  
Алтын қалған жарқыраған.  
Білмейміз саудагер ме, қол басы ма?  
Сараң ба, алтын үшін қалтыраған?  
Сары алтынның белгілі нарқы маған,  
Қайда, бірақ алтыннан артық адам?!  
Кім болды екен алтынмен аптайтындай,  
Алтын жиған шонжар ма, жатпай-тұрмай  
Кім де болсаң,  
Ей, пенде!  
Күн кештің ғой,  
Ажал келсе алтының сақтайтындай,  
Алтын табыт ішінде жатпайтындай...  
Шежіремді ұрлапты...  
Зулапты күн.  
Ғасырлардан бір ызың тыңдап тұрмын.  
Алтын адам шынымен қазақ болса,  
Білген екен құнының қымбаттығын!!!  
Мұқағали Мақатаев

ҚМ АА Куәлік нөмірі: KZ45VPY00102718 — ҚР Мәдениет және Ақпарат министрлігі

© 2026 Bilimger.kz Ақпараттық-танымдық білім порталы. Барлық мазмұн авторлық құқықпен қорғалған.